



Tuhaqtijut

Tuninariqtukhaq

Makigiaqta Katimayit Hivuliqhuqtit Manikhaqtitiyut Nunagiyauyuni Havaakhanik

IQALUKNI, Nunavumi (February 6-mi 2017-mi) – Nunavut Tungavitkut Timiuyumi (NTI-kuni) Ikhivautalik Aluki Kotierk Kavamalu Nunavumi Ministauyuq Paul Quassa ublumi tuhaqtitiyut ukua Makigiaqta Inuit Ayuiqhajutiliqiyit Kuapariisiuyuup Katimayit Hivuliqhuqtiit agiqtuut agitqiyaanik 3-miliatalauyuup manikhaakhanik atulirumayauyunik 12-ni aalatqiini ayuiqhajutikhanik havaani.

Pijutauyuq ayuiqhajutiliqiyit kuapariisiuyuq upalugaiqpaaliriagani Nunavumi Inuit havaliriamikni, inulijutini nanminikluniit havakviuyuni. NTI-kut hatqiqhiyut Makigiaqta-mik January-mi 2016-mi manikhaakhanik piyauyunik Agiqatiriigutimit ihuaqhijutaayumik NTI-kut apiqhuyutigit akiraqtuqtaujutimik Kanamanik Kanatami atuginmata havaariyakhamiknik uvani *Nunavumi Agiqatiriigunmi*. Iitariyauniganik timiuniganik kiguliqmi January-mi, Makigiaqta hatqiqhiyut ihumakhaqhiuqtikhanik katimayinik, ihuaqhailutik havauhikhamiknik upalugaiyaunmik qanuriniakhaniklu atulirumayainik upalugaiyainmik, agiqhugilu manikharumayut havaariyakhamikni malruukniugaluq hulijutikhakni pijutauniaqmat Inuit havaliriamikni ayuruirutikhainik.

“Manikhaktitkpaata ukuniga atuqniqaqtunik havaani, Makigiaqta aulagtiriagtitiyuq ikayuriagani Nunavumi Inuit piyaagani ayuruirutikhanik ihariagiyauyunik pivagiagini havaakhanik tamaini havakviuyubni Nunavumi manikhaqhiurutini. Una atuqtauyuq pivaliajutauniaqmat aaniagitunik ilariinik, aaniagitunik nunagiyauyunik aaniagituniklu Inuinaqnik. Una tautuktuuyaaqtaqut agiqatiriigutiginahuaqtilugu Nakatani 23 *Nunavumi Agiqatiriigunmi*,” uqaqtuq NTI-kuni Ikhivautalik Kotierk.

“Makigiaqta tuniqhimayut pivagiagani aulaniqatiaqtut ayuiqhajutit ayuruirutiniklu pivalianigit ukua Nunavumi Inuit pivagiagani inutiarutikhamiknik tamaini hivuliqhuqlutiklu Hivunikhaanik nunagiyapta ukiuqtaqtumi. Nunavut nukaqhiutqiyauyunik amigaiqpaliatqiyauyuniklu inuknik Kanatami atuliriaganilu ayuruirutikhanik ayuiqyayaagani ihumanatiaqtuq manikhaqhiurutiptikni, ilitquhiptikni inutiarutikhaptiknilu iligaitumik. Ikayuqtiriigutiptiknit, pipkaiyugut ajikutaqagituik atuqtakhanik nunagiyaptiknit Nunavumilu,” uqaqtuq Ministauyuq Quassa.

Manikhaqtuq ukuaguyuut Qaggiavuut, Ilisaqsivik Katimayit, Aqviani Inuhiqatiaqnikhanik Havakviuyuq, Quajigiartiit-kut Aaniaqtailinikut Ilituqhaiyit Havakviat, Ilinniapaa-kut Ilihaqpaaliquvik, Ukiuqtaqtumi Nutaqaat Inulramiilu Tungaviat, Kivaliqni Inuit Katimayit, Pirurvik-kut Ilihaqaaqviki, Nunavumi Sivunikhavut, Nunavumi Iqaliuliqiyit Taqyumilu Ayuiqhajutinik, Hamliuyuq Taluyuani, Qitiqmiunilu Inuit Katimayit.

Havaakhat pihimaliqitut manikhaanik tikuaqtauhimayut havaaqaqmata iluani Makigiaqta-p havaariluarumayaini, ilaqaqtunik ikayuriagani Inuit ilihaqtut Ilihaqaaqviki Ayuruirutinik 12-mut ilihqpaaliquviki, nutaranuit pivalianiqhainik, Inunaqtulu, Inuilu ilitquhiinik havakviuyumi.

Makigiaqta Katimayit Hivuliquhqtit quviahuktut tuhaqtitiyaamini ukua hivuliit maniknik atuqtitijutut, havaqatiqaqniaqmata ikayuqtiriinik humiliqaa Nunavumi tikuaqhiyaagani manikniklu atuqtitiyaagani ilariagutikhanik ayuiqhajutini havaani ukiuni atuqtukhani.

Hivuniqhivaalirumaniruvit, uqaqvigijavat:

Kerry McCluskey

Hivuliquhqtit Tuhaumajutinik

Nunavut Tungavitkut Timiuyumi

Hivayautaa: 867-975-4914

Akiitukut: 1-888-646-0006

Qaritauyakut: kmcccluskey@tunnqavik.com

Cate Macleod

Hivuliquhqtit Tuhaumajutinik

Kavamani Nunavumi

Hivayautaa: 867-975-6049

Qaritauyakut: CMacleod@gov.nu.ca